



UNIVERSITÄTS-  
BIBLIOTHEK  
PADERBORN

# **Jus Canonicum Ad Libros V. Decretalium Gregorii IX.**

**Huth, Adam**

**Augustæ Vindelicorum, 1732**

7. De juramento Calumniæ

---

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

bet subesse rationabilis causa. 2. Requiritur regulariter citatio partis, contra quam producuntur testes. Pirh. h. t. n. 16. 3. Ut actor, dum citari nequit, eundem infra annum continuum à tempore, quo potuit conveniri, conveniat, vel saltem testium receptionem & depositiones ei denuntiet, alias receptio & attestationes, quantum concernunt favorem producentis, sint invalidæ. Ratio, quia testes præsumuntur in fraudem recepti.

## TITULUS VII.

### De Juramento Calumniæ.

**Q.** 1. Quid sit juramentum calumniæ, & quid continere debeat? Resp. ad 1. Juramentum calumniæ scil. non inferendæ, Germanicè *der Eyd für Gefährde* / est, quod post litem contestatam ab utroque litigantium præstatur coram iudice in loco iudicii publico super tota causa, quo tactis regulariter Evangelicis jurant, quòd sine animo calumniandi, credentes se habere justam causam, litigare velint. Differt à *Juramento malitiæ*, quòd hoc vel ante, vel post litem contestatam, & toties, quoties est præsumptio, quid dici malitiosè; item quòd super singularibus articulis præstetur; Juramentum autem calumniæ regulariter in eadem causa tantum semel, post L. C. & super toto negotio. Differt etiam à *Juramento veritatis*, quòd hoc fit



fit de *scientia*, & *veritate*, quam jurans scit, dicenda; item super articulo particulari; juramentum autem calumniae fit de *credulitate*, & contineat plura capitula; unde &

*Resp.* ad 2. Continet seq. articulos. 1. quod partes credant, se justam habere causam, actor scil. agendi, reus se defendendi. *L. 2. C. h. t.* 2. quod interrogati (scil. juridicè) in judicio sint dicturi veritatem. *Nov. 49. c. 1.* 3. Quod non utantur falsa probatione. *Auth. in isto. C. h. t.* 4. Quod nihil promiserint, aut daturi sint, sive per se, sive per alios patrocini causâ judicibus, aliisve personis, iis exceptis, quibus dare salaria jura permittunt. *Auth. principales. C. eod.* 5. Quod non petant calumniosam dilationem. *L. 1. C. h. t.*

*Q. 2. An juramentum calumniae necessario præstandum?* *Resp.* 1. Aff. ita ut si ab alterutra parte litigantium petitur, & tamen fuerit ommissum, ommissio vitiet processum & sententiam reddat nullam. *L. 2. §. 4. C. h. t.*

*Resp.* 2. Potest remitti tacitè, illud non exigendo, absque eo, quod per hoc vitietur processus. *c. 1. §. 2. h. t. in 6.* Non expressè à partibus *cit. c. & L.* ratio, quia non pro commodo privatorum, sed ob bonum publicum est introductum.

*Resp.* 3. Consuetudo abrogans præstationem juramenti calumniae tum introduci potest, si vel ob hominum alicujus loci probitatem videatur sufficere simplex non calumniandi promissio; vel



si e contra tanta foret perversitas hominum, præceptum illud occasionem perjurii præbere adeoque. *c. 5. h. t.* negans introduci posse consuetudinem, intelligi debet de consuetudine non rationabili &c.

*Q. 3. A quibus præstari debeat juramentum calumniæ? Resp. 1.* A principalibus omnibus Actoris & Reo, nisi specialiter sint exempti, sunt parentes & patroni, dum hi in causis permissis cum liberis aut libertis litigant. *L. 8. §. 5. ff. quæ sitis d. cog.* Dominifendi, dum litigant cum Vassallis, & contra. *2. feud. 33.* Principes supremæ dignitatis, cum dignitas eorum non patiat suspicari æquum calumniandi. Electorum & statuum Consiliiarii actuales in causis suorum Principum per *Recess. Imp. de añ. 1654. §. 37.* quod tamen in Camera nondum receptum notat Roding. apud Lauterb. *ad ff. Libr. 12. tit. 2. n. 41.* Procuratores fisci de consuetudine, ut testatur Gail. *Libr. 1. cap. 90. n. 9.* Qui votum tantum emisissent non jurandi, non eximuntur.

*Resp. 2.* A Clericis etiam & Religiosis, dum in causa propria per se coram iudice Ecclesiastico proprio litigant, præstari debet *c. 5. h. t.* Latius hæc habet Pirh. *h. t. n. 11.* Leur. *h. t. Q. 26. n. 3. & 4.*

*Resp. 3.* Loco principalium personarum, v. g. pupillorum, Minorum, prodigorum, Ecclesiarum, Civitatis &c. citra speciale mandatum, & in animam solum propriam à Tutoribus, Curatoribus, Oeconomis, Syndicis, & aliis generaliter



lem bonorum alienorum Administrationem habentibus admittitur juramentum calumniæ. *c. 4. h. t. L. 2. §. 4. C. eod.* Ratio, quia hi justitiam causæ, ob cujus credulitatem hoc juramentum introductum, melius scire præsumuntur, quàm quorum res administrant. A Procuratoribus particularibus particularium personarum, etiamsi juratum sit à principalibus de calumnia, debet hoc juramentum præstari, ut satis provisum sit de evitanda calumnia. *c. 1. §. procuratores. h. t. in 6.* & quidem dupliciter, semel in animam domini sui, deinde in animam suam, sive nomine proprio; atque ad primum egent speciali mandato. *c. 3. h. t. in 6.*

*Resp. 4.* Ab Advocatis itidem & patronis causarum juramentum calumniæ est præstandum *L. 2. C. h. t.* consuetudo tamen modò obtinet, ut hi in susceptione muneris tantùm præstent juramentum generale.

*Q. 4.* In quibus causis præstandum juramentum calumniæ? *Resp.* Nisi tacitè remittatur, spectato jure in omnibus, in quibus opus est probatione. *L. 1. C. h. t.* sive sint Civiles, sive Criminales, saltem in his ex parte Accusatoris. *c. 1. §. itaque h. t.* sive temporales, sive spirituales. *c. 2. h. t. per c. 1. §. fin. h. t. in 6.* est correctum. Sive sint causæ primæ, sive secundæ instantiæ, id est, appellationis *c. 2. §. 1. h. t. in 6.* sive feudales, si scil. Vassalli inter se, vel cum tertio non Vassallo litigant; sive matrimoniales, sive coram delegato aut Ordinatio judice tractentur. &c.

D 2

Q. 5.



*Q. 5. Qua sit pœna hoc juramentum præstare recusantis, & quis effectus præstiti? Resp. 1.* Ad hoc si detrectet jurare, cadit causâ, & tanquam improbus litigator à judicio repellitur. *c. fin. §. per b. r.* Réus habetur pro confesso. *L. 2. §. 6. C. de Ad utramque tamen pœnam incurrendam oportet esse sententiâ judicis. L. & c. cit., unde passim AA. aliquæ sequelæ deducuntur. Imò dantur casus, in quibus pœna hæc vel omnino non, vel limitatè tantùm incurritur; talis est causa criminalis. *Vall. h. §. 4. n. 3.* spiritualis, ne detur vitæ ingressus. *c. 1. de R. I. in 6. & c.* Deinde contumacia Procuratoris non nocet Domino, adeo ut pupillus, & quicumque alius, cujus causa agitur, ideo eâ non cadat, vel pro confesso habeatur. *L. un. §. 2. ff. si quis jus dicenti non obtemp.* non obstante. *c. 4. h. r.**

*Resp. 2.* Præcipuus & ferè unicus effectus præstiti juramenti est, quòd jurans excusetur à calumniâ præsumpta arg. *c. 5, h. r. & L. 1. C. de* non verò liberatur, ut aliqui volunt, à solvendo expensis. AA. communiter.

## TITULUS VIII.

### De dilationibus.

*Q. 1. Quid sit dilatio? Resp.* Dilatio judicialis de quà hic sermo, & quæ ita dicitur, quæ durante judicio, sive à citatione usque ad sententiam, ejusque executionem conceditur, definitur potest, quòd sit certi temporis ad actum aliquem judicis